

## In de Kirk.

Ich vergaet 't noatj, wie pap mich in Pej  
Väär 't ieës nao de kirk haet mitgenómme.  
En det 'ne groate pater Franciscaan  
De praekstool doe is opgeklómme.

Hae sprook äöver de duvel en de hël  
Mit ein stöm, die sjaldje taege de moere.  
En bibberendj höb ich doe naeve pap  
Sjoew nao dae pater zitte loere.



“En daar zal geweene zijn en geknars  
der tanden,” bölderdje dae pater.  
“Och Leve Hieërke,” stameldje ich stil,  
“Sjiktj Cornèlke neet de hël in, later.”

Wie zien kaord opèns langs de praekstool sloog  
Bön ich ónger de bank gedaoke.  
“Pap,” reep ich benäödj, “kóm vlot mit nao mam,  
Ich geluif, det hae is los gebraoke!”

**C.van Kruchten.**  
**Echs:Pitje vanne Meister.**

\*\*\*\*\*